

## Le livre des serfs de Marmoutier, Nr. 69

Nosse debebitis, si qui eritis posteri nostri Majoris scilicet hujus habitatores Monasterii Sancti Martini, Acfredum quendam de Luzone, apud Fontem Merlandi manentem, ut a Deo vera donari mereretur libertate, semetipsum pro ejus amore cum omni domo sua, cum uxore videlicet Guitburga ac liberis Aszone et Aremburge, Sancto Martino in servum tali pacto tradidisse, ut non solum ipsi, verum etiam omnis eorum posteritas, per succendentia secula abbatibus hujus loci et caeteris fratribus, servili conditione subjaceant et famulentur. Et ut haec ejus spontanea traditio certior et ab ipso facta appareret, IIII or denarios, ut est consuetudinis, pro recognitione servi, super caput proprium posuit, et sic se Deo Sanctoque Martino perpetuo serviendum, sub domno Alberto abbe tunc nostro, his testibus obtulit: Arnulfo Frumentino; Rainardo Capite Villani; Godefredo clausario; Giraldo nepote Raimundi, hostiario; Dacfredo Trossa Boto; Odona monacho preposito Fontis Merlandi; Fulcone monacho tunc nostro priore, qui IIII or denarios desuper caput ejus accepit.